

Derecho di Arubianonan a resulta den $0 + 0 = 0$

Caso Habibe den Corte ta otro fantasma hudicial



ORANJESTAD (AAN) Ayera tabata tin otro caso den corte contra decisionnan tuma pa extradita yiu na e tera y ayera tabata turno na e Arubiano, Randy Habibe kende tambe ta riba lista pa ser extradita.

Ta hopi tabata esnan cu ultimo lunanan y dianan a papia di extradicion y ta masha hopi semi experto a papia na radio encuan to extradicion y diferente di nan a haci bon uzo di e situacion pa asina plama informacionnan falso y bay te hasta linea recta contra derechonnan di Arubianonan.

Arubianonan a para bira mercancia politico pa satisfacen mane ho tendencioso di paisnan cu ta e consumidornan mas grandi di droga na mundo y cu mester persigui otro paisnan basta nan tapa nan mesun mane ho narco traficante.

Cualquier yiu di tera cu haya su mes den e situacion cu e ta a punto di worde extradita, ta bay corte bao di e speranza cu na Aruba ainda Madam Husticia ta traha cu wowo tapa y no cu un wowo ta wak scondi den banda ken ta e persona cu ta para dilanti di huez.

Documentonan confisca na cas y negoshi di Randy Habibe no por worde uza den e caso contra Randy y esaki e corte mas halto den Reino a dicidi, pero husticia no ta funciona mas pa Arubianonan pasobra tur loke a tuma lugar den casonan di extradicion contra Arubianonan, a muestra bon cla cu decisionnan y sentencianan politico a prevalece riba aplicacion sec di husticia.

Ningun instancia por ser teni responsabel y e Arubiano no por lanta caso contra ningun instancia hudicial den Reino pasobra ta tur a para bira mescos cu e fantasma co-

mester kier a laga huez sinti, cu no por ta asina cu na Hulanda si e ciudadano Hulandes por lanta caso contra e instancia estatal, hudicial o gubernamental, cu ta perhudicando su derechonnan fundamental door di pone riba lista pa extradicion y na Aruba diripiente e Arubiano no tin ningun derecho pasobra tur instancia a para bira fantasma; e no por bringa contra ningun hende pasobra tur instancia a bira fantasma!!.

Ta kico e ta bay haci Corte

anto?

Si na Aruba e Arubiano ta ser priva di su derechonnan anto ta logico cu e yiu di tera cu nada den man, no por logra algo y ta pesey abogado Kock a bisa ayera den sala di corte, cu na Aruba keto bay $0 + 0 = 0$ y e tipificacion aki di abogado Kock pa cu loke ta pasando riba tereno di extradicion, ta un expresion historico y un muestra di curashi grandi di parti di un abogado defensor cu tambe mester ta harta di e pantomina hudicial



cu tin na Aruba y den Reino Hulandes.

Pruebanan cu Merca a manda pa Aruba no tabata suficiente y Hof a bisa esaki bon cla pa despues Merca keda sin manda mas prueba y asina mes ata Randy Habibe tog riba lista pa worde extradita sin cu tin un solo legal pa extradita Randy.

Tur hende por sigui draai rond di henter e asunto di extradicion y pinta esaki mas bunita cu e ta, pero e caso

ayera den corte tabata nada otro cu repeticion di e caso di primonan Mansur cu tambe a ser balia den corte y pa despues ser poni riba avion rumbo pa teritorio Mericano.

Tin un lista largo di casonan, jurisprudencie, leyman etc etc cu ta muestra cu extradicion di Arubianonan ta bay contra tur norma y regla di husticia balansa y asina mes sentencianan "Hudicial" ta permiti extradicion di Arubianonan?

Tur esnan cu ta riba lista pa worde extradita mester enfrenta e hecho cu politica tras di cortina tin mas balor y peso cu cualquier derecho sea directo o indirecto o fundamental di cualquier Arubiano den e wega politico aki di extradicion no tin balor pasobra keto bay $0 + 0 = 0$ y punto.

Dia 27 di mei 1998 huez lo dicta sentencia.


Telefonnan di DIARIO

826747

Fax:

828551

RIDE IT SOFT AND EASY!!



10/98-